

EFTIRLITSSKÝRSLA

Arctic Sea Farm ehf. Ísafjarðardjúp



Dags eftirlits	24.9.2024	Ábyrgðarmaður eftirlits	Guðbjörg Stella Árnadóttir
Fyrirtæki	Arctic Sea Farm ehf.	Eftirlitsmaður	Guðbjörg Stella Árnadóttir
Heimili	Aðalstræti 20	Tegund eftirlits	Reglubundið
Kennitala	700807-0450	Flokkur	Fiskeldi
Fulltrúi fyrirtækis	Guðmundur Ólafsson	ÍSAT nr.	03.21.00
Fulltrúi fyrirtækis		Staðsetning	

NIÐURSTAÐA EFTIRLITS

Níu frávik frá kröfum starfsleyfis komu fram við eftirlit er varða tilkynningar um útsetningu seiða, að öryggisblöð voru ekki aðgengileg, að olíur voru geymdar við ófullnægjandi aðstæður í fóðurpramma og að gögnum var ekki skilað innan tímamarka. Engar ábendingar voru settar fram í eftirlitinu.

UMFANG EFTIRLITS

Eftirlitið fór fram með vísan í 57. gr. reglugerðar nr. 550/2018 um losun frá atvinnurekstri og mengunarvarnaeftirlit. Um er að ræða kvíaeldisstöð í Ísafjarðardjúpi. Starfsleyfið heimilar eldi á laxfiskum og má hámarkslífmassi ekki fara yfir 8.000 tonn á hverjum tíma. Leyfið nær til þriggja staðsetninga, Sandeyri, Kirkjusunds og Arnarness og gildir til 21. febrúar 2040.

Boðað umfang eftirlitsins var eftirfarandi:

- Farið yfir starfsleyfið og stöðuna frá síðasta eftirliti
- Áhættumat til ákvörðunar á tíðni eftirlitsferða.
- Eftirlitsmælingar, skráningar og gagnaskil
- Áætlanir og viðbrögð – uppfærslur áætlana, trygginga o.fl.
- Umgengni og aðkoma lóðar og kvía
- Geymsla, förgun og meðhöndlun hættulegra efna
- Kynning á meðfylgjandi gögnum
- Sköðunarferð
- Önnur mál

Engin frávik komu fram við síðasta eftirlit árið 2022 og engar ábendingar voru settar fram. Engin starfsemi hefur verið í stöðinni síðan starfsleyfið var fyrst gefið út árið 2015. Nýtt leyfi var gefið út í febrúar sl. og voru fyrstu seiðin flutt í kvíar við Sandeyri í apríl sl. Var fiskur í fimm kvíum er eftirlitið fór fram en fiski verður bætt í þrjár kvíar til viðbótar á næstu vikum. Enginn fiskur er á hinum staðsetningunum og ekki er fyrirhugað að setja þar út á næstunni.

Áhættumat 2024 til ákvörðunar á tíðni eftirlits skv. 57. gr. reglugerðar nr. 550/2018 um losun frá atvinnurekstri og mengunarvarnaeftirlit, fylgdi fundarboði eftirlits og var það uppfært miðað við núverandi stöðu að eftirliti loknu.

Rekstraraðili tilkynnti ekki um útsetningu seiða til eftirlitsaðila skv. gr. 3.2 í starfsleyfi og er því sett frávik þar um. Minnt er á að hvíldartími á milli kynslóða er að lágmarki 90 dagar og tilkynna skal eftirlitsaðila útsetningu með að lágmarki tveggja vikna fyrirvara ásamt því að senda inn vöktunarskýrslu vegna hvíldarsýnatöku á svæðinu. Eftirlitsaðili getur einhliða frestað útsetningu seiða bendi niðurstöður vöktunar til þess að umhverfisaðstæður séu óhagstæðar á svæðinu, að mati Umhverfisstofnunar. Fylgi rekstraraðili ekki ákvæðum starfsleyfis, laga og reglugerða getur Umhverfisstofnun lagt á stjórnvaldssektir sbr. 67. gr. laga nr. 7/1998. Rekstraraðili var minntur á að senda inn vöktunarskýrslur um leið og þær berast.

Grænt bókhald fyrir árið 2023 hefur ekki borist eftirlitsaðila en bent er á að þó starfsemi sé ekki á svæðinu þá ber að senda inn tilkynningu um að engin gögn séu til staðar vegna starfsleyfisins (núll skýrsla). Það sama á við um skil á útstremisbókhaldi en því hefur ekki verið skilað fyrir árið 2023. Sett eru frávik þar um. Skýrsluskil vegna ársins 2022 bárust ekki fyrir tilsettan tímafrest, 1. maí ár hvert og er því sett frávik þar um. Skýrslurnar bárust eftirlitsaðila þann 5. júlí 2023 og er frávikunum því lokað.

Áhættumat og viðbragðsáætlun vegna bráðamengunar hafs og stranda liggur fyrir og uppfært tryggingaskírteini fyrir tryggingu vegna bráðamengunar hafs og stranda skv. 16. gr. laga nr. 33/2004 um varnir gegn mengun hafs og stranda hefur verið sent til eftirlitsaðila. Vöktunaráætlun hefur verið uppfærð sbr. lögum nr. 36/2011 um stjórn vatnamála. ASC vottun er í gildi til 9. maí 2025.

Kvíarnar eru þjónustaðar daglega, dauðfiskur fjarlægður og settur í meltu. Aðstaða til meltugerðar er til staðar á

prammanum og sýra er geymd við fullnægjandi aðstæður utandyra. Þjónustusamningur er við flutningaskipið Hordafor sem kemur og sækir meltu út í prammana og siglir henni til Noregs. Sjálfvirk fóðrun er í kvíarnar og er henni stýrt frá Þingeyri. Myndavélar og lýsing eru í kvíunum. Meindýraeyðir kemur reglulega, skv. samningi og yfirfer varnir í fóðurgeymslum. Meindýr hafa ekki verið vandamál til þessa og ekki er mikill ágangur fugla í kvíarnar. Net er yfir kvíum.

Siglt var út að kvíum og engar ábendingar settar fram þar um. Farið var um borð í fóðurpramma og aðstæður skoðaðar. Engar lekabyttur voru undir olútunnum sem voru um borð í prammanum og er því sett frávík þar um. Engin öryggisblöð voru aðgengileg skv. gr. 3.11 í starfsleyfi og var rekstraraðili minntur á að gera úrbætur þar um. Frávík er sett hvað það varðar. Úrgangsolía er ferjuð í land með þjónustubát og skilað til Olíudreifingar.

Alla jafna kemur fóður beint frá fóðurskipi yfir í pramman og er því siglt frá Skotlandi. Einstaka sinnum er fóður tekið frá Laxá en kemur það í sekkjum sem fluttir eru yfir í pramman með þjónustubát.

Frávík frá	Lýsing á frávíki
Gr. 3.2 í starfsleyfi	Ekki var tilkynnt um útsetningu seiða með tveggja vikna fyrirvara.
Gr. 3.11 í starfsleyfi	Öryggisblöð skulu vera aðgengileg og uppfærð við alla efnameðferð. Öryggisblöð voru ekki til staðar í fóðurpramma. Verða úrbætur skoðaðar í næsta eftirliti.
Gr. 3.11 í starfsleyfi	Olíuefni voru geymd við ófullnægjandi aðstæður í fóðurpramma en rekstraraðili vinnur að því að koma fyrir lekabyttum undir öll spilliefni. Verða úrbætur skoðaðar í næsta eftirliti.
Gr. 4.2 í starfsleyfi	Ársyfirlit fyrir árið 2022 barst ekki fyrr en 5. júlí 2023 en skila ber öllum skýrslum fyrir 1. maí ár hvert. Frávíkinu er lokað þar sem gögnin hafa borist.
Gr. 4.2 í starfsleyfi	Ársyfirlit fyrir árið 2023 hefur ekki borist eftirlitsaðila en skila ber öllum skýrslum fyrir 1. maí ár hvert. Ársyfirlit 2023 barst þann 4. október sl. og er frávíkinu því lokað.
Gr. 4.3 í starfsleyfi	Útstreymisbókhald (núllskýrsla), fyrir árið 2022 barst ekki fyrr en 5. júlí 2023 en skila ber fyrir 1. maí ár hvert. Frávíkinu er lokað þar sem gögnin hafa borist.
Gr. 4.3 í starfsleyfi	Grænt bókhald (núllskýrsla), fyrir árið 2023 hefur ekki borist eftirlitsaðila en skila ber öllum skýrslum fyrir 1. maí ár hvert. Grænt bókhald 2023 barst þann 4. október sl. og er frávíkinu því lokað.

Gr. 4.3 í starfsleyfi

Útstreymisbókhald (núllskýrsla), fyrir árið 2023 hefur ekki borist eftirlitsaðila en skila ber öllum skýrslum fyrir 1. maí ár hvert. Grænt bókhald 2023 barst þann 4. október sl. og er frávikin því lokað.

Gr. 4.3 í starfsleyfi:

Grænt bókhald (núllskýrsla), fyrir árið 2022 barst ekki fyrr en 5. júlí 2023 en skila ber fyrir 1. maí ár hvert. Frávikin er lokað þar sem gögnin hafa borist.

ÁBENDINGAR

Engar ábendingar voru settar fram í eftirlitinu.

ANNAÐ


Kynningar á gagnagrunni um mengaðan jarðveg, breyttu fyrirkomulagi um boðun eftirlits Umhverfisstofnunar og á innheimtu eftirlitsgjalda skv. nýrri gjaldskrá Umhverfisstofnunar voru sendar með fundarboðinu og var rekstraraðili beðinn um að kynna sér gögnin.

Engar kvartanir hafa borist, hvorki rekstraraðila né eftirlitsaðila frá síðasta eftirliti og engin mengunaróhöpp hafa orðið frá síðasta eftirliti.

Reykjavík, 24.10.2024

1 Frávik: Framkvæmd telst ekki í samræmi við kröfur sem settar eru fram í starfsleyfi, lögum eða reglugerðum.

2 Ábending: Ástand sem eftirlitsmaður telur vert að vekja athygli á í þágu heilsuverndar, umhverfisverndar og öryggis en sem ekki geta talist frávik.



Guðbjörg Stella Árnadóttir